



საქართველოს ოკუპირებული
ტერიტორიებიდან დევნილთა,
შრომის, ჯანმრთელობისა და
სოციალური დაცვის სამინისტრო

შრომის პირობების ინსპექტირების დეპარტამენტი

ახალ კორონავირუსთან (COVID-19) დაკავშირებული ზოგადი რეკომენდაციები

შენიშვნა: ჯანდაცვის მინისტრის N281/ნ ბრძანების შესაბამისად, იმ პირებზე ვინც კორონავირუსის პრევენციის მიზნით კარანტინში იმყოფებიან საავადმყოფო ფურცლის (ბიულეტენის) ტოლფას ცნობას გასცემს ჯანდაცვის სამინისტრო. აღნიშნული დოკუმენტი დამსაქმებლებისთვის ხელფასის გაცემის საფუძველი იქნება და შესაბამისად დასაქმებულ ადამიანებს ლეგიტიმურად ჩათვლება და სრულად აუნაზღაურდებათ კარანტინისა და თვითიზოლაციისას გაცდენილი სამუშაო დღეები. ცნობის მისაღებად დაინტერესებულ პირს შეუძლია სამინისტროს ელექტრონული ფოსტის მისამართზე - info@moh.gov.ge მიმართოს.

დოკუმენტი მომზადდა შრომის საერთაშორისო ორგანიზაციის მხარდაჭერ



ს ა რ ჩ ე ვ ი

ინფექციური დაავადებებისთვის მზადყოფნისა და რეაგირების გეგმის შემუშავება	3
ინფექციის პრევენციის ძირითადი ღონისძიებების განხორციელებისათვის მზადება	3
კონტროლის ღონისძიებების იერარქია	4
SARS-CoV-2-ის მიმართ თანამშრომელთა ინფიცირების კლასიფიცირება	6
ძალიან მაღალი რისკი	6
მაღალი რისკი	6
რეკომენდაციები სამუშაო ადგილების მიმართ, რომლებიც კლასიფიცირებულია ინფიცირების ძალიან მაღალი ან მაღალი რისკის მქონედ	7
ინფიცირების საშუალო რისკი	8
რეკომენდაციები იმ სამუშაო ადგილების მიმართ, რომლებიც კლასიფიცირებულია ინფიცირების საშუალო რისკის მქონედ	8
ინფიცირების დაბალი რისკი	10
რეკომენდაციები იმ სამუშაო ადგილების მიმართ, რომლებიც კლასიფიცირებულია ინფიცირების დაბალი რისკის მქონედ	10



ინფექციური დაავადებისთვის მზადყოფნისა და რეაგირების გეგმის შემუშავება

დამსაქმებლებს, რომელთაც ჯერ არ მიუღიათ სპეციალური ზომები, უნდა შეიმუშაონ ინფექციური დაავადებისთვის მზადყოფნისა და რეაგირების გეგმა (საგანგებო სიტუაციების გეგმა), რომელიც COVID-19-გან დაცვის ღონისძიებების წარმართვაში დაეხმარება მათ. მნიშვნელოვანია გამოყენებულ იქნეს ჯანდაცვის სამინისტროსა და დაავადებათა კონტროლის ცენტრის სახელმძღვანელო მითითებები და განისაზღვროს თუ როგორ უნდა მოხდეს მათი რეკომენდაციების შესრულება.

გეგმებში გათვალისწინებული და განხილული უნდა იქნას სხვადასხვა სამუშაო ადგილებთან და დავალებებთან დაკავშირებული რისკის დონე (დონეები), რომელთა შესრულებაც უწევთ თანამშრომლებს. გასათვალისწინებელი საკითხები შეიძლება მოიცავდეს:

- სად, როგორ და SARS-CoV-2-ით ინფიცირების რა წყაროების მიმართ შეიძლება აღმოჩნდნენ თანამშრომლები დაუცველნი, მათ შორის: საზოგადოებრივი თავშეყრის ადგილებში, მომხმარებლებთან ურთიერთობისას და ა.შ.

მხედველობაში უნდა იქნეს მიღებული თანამშრომლების ინდივიდუალური რისკ-ფაქტორები (მაგ: საპენსიო ასაკი, ქრონიკული დაავადების არსებობა, მათ შორის დაქვეითებული იმუნიტეტი, ორსულობა და ა.შ). ასეთი პირების არსებობის შემთხვევაში, კომპანიის მენეჯმენტმა უნდა მიმართოს კონტროლის დამატებით ღონისძიებებს, რომელიც საჭიროა ამ რისკების მოსაგვარებლად (რეკომენდირებულია ასეთ თანამშრომლებს მიეცეთ უფლება არ გამოცხადდნენ სამუშაო ადგილებზე).

ინფექციის პრევენციის ძირითადი ღონისძიებების განხორციელებისათვის მზადება

ყველა დამსაქმებელმა უნდა უზრუნველყოს ჰიგიენის და ინფექციის კონტროლის სათანადო პრაქტიკის განხორციელება, მათ შორის:

- ხელების ხშირი და გულდასმით დაბანის ხელშეწყობა;
- ხელის დასაბანი ადგილის გამოყოფა თანამშრომლებისა და მესამე პირებისთვის;
- ხელის დაბანის შეუძლებლობის შემთხვევაში, გამოყენებულ უნდა იქნას სულ მცირე 60% ალკოჰოლის შემცველი ხელის გამწმენდი სითხე.
- განხორციელდეს თანამშრომელთა წახალისება, დარჩნენ სახლში ავად ყოფნის შემთხვევაში.
- რესპირატორული ეტიკეტის დაცვის წახალისება, მათ შორის ხელის და ცემინების დროს ცხვირის და პირის დაფარვა.
- ერთჯერადი ხელსახოცებისა და ნაგვის ყუთების უზრუნველყოფა მომხმარებლებისა და საზოგადოებისათვის.
- დამსაქმებელმა უნდა შეიმუშაონ იმ პირთა დაუყოვნებელი იზოლაციის პოლიტიკა და პროცედურები, რომელთაც COVID-19-ის ნიშნები და/ან სიმპტომები გააჩნიათ და ტრენინგები უნდა ჩაუტარონ თანამშრომლებს მათ განხორციელებაში.



უზრუნველყავით: სამუშაო ადგილზე მოქნილი სამუშაო რეჟიმის შემუშავება და განხორციელება, მათ შესახებ ინფორმაციის მიწოდება, ავადმყოფობის გამო შვებულების პოლიტიკის მოქნილობა, საზოგადოებრივი ჯანდაცვის შესახებ მითითებებთან მისი შესაბამისობა. თქვენს ობიექტზე არსებულ კომპანიებს მიაწოდეთ ინფორმაცია იმის შესახებ თუ რაოდენ მნიშვნელოვანია დაავადებული თანამშრომლების სახლში დარჩენა და მათვის წამახალისებელი, პოლიტიკის, შვებულების აღების, როტაციული გრაფიკის ან/და დისტანციურად შესასრულებელი სამუშაოს შესახებ ღონისძიებების განხორციელება.

შეინარჩუნეთ მოქნილი პოლიტიკა, რომელიც თანამშრომლებს საშუალებას მისცემს დარჩნენ სახლში და იზრუნონ ოჯახის წევრებზე.

კონტროლის ღონისძიებების იერარქია

კომპანიებმა სამუშაო ადგილზე უსაფრთხოების კონტროლის უზრუნველყოფისთვის უნდა იხელმძღვანელონ „კონტროლის ღონისძიებების იერარქიით“. სხვა სიტყვებით, კონტროლის საუკეთესო გზაა საშიშროების სისტემატურად აღმოფხვრა სამუშაო ადგილიდან. უსაფრთხოების ზომების უზრუნველსაყოფად, დამსაქმებელმა პირველ რიგში უნდა მიმართოს საინჟინრო კონტროლის ღონისძიებებს (მაგ - დამცავი ბარიერები და ა.შ), ადმინისტრაციული კონტროლის ღონისძიებები (ინსტრუქციები, ტრენინგი, სადუზინფექციო საშუალებების უზრუნველყოფა, საგანგებო სიტუაციებში სამოქმედო გეგმის შემუშავება), და ბოლოს უნდა განხორციელდეს ინდივიდუალური დაცვის საშუალებების გამოყენება (პირბადეები, სათვალეები, ხელთათმანები, კომბინიზონი). კონტროლის ღონისძიების თითოეულ დონეს ახასიათებს უპირატესობები და ნაკლოვანებები მათი განხორციელების სიმარტივის, ეფექტურობის და ხარჯების გათვალისწინებით.

კონტროლის იერარქია



უმეტეს შემთხვევებში საჭიროა კონტროლის ღონისძიებების კომბინაციის გამოყენება თანამშრომლების COVID -19 ვირუსის ზეგავლენისაგან დასაცავად.



რისკის კონტროლის შესაბამისი იერარქიის არჩევისას, არსებული სამუშაო გარემოს სპეციფიკისა და თავისებურებებიდან გამომდინარე დამსაქმებელმა პრიორიტეტი უნდა მიანიჭოს კონტროლის იერარქიის პირველ საფეხურს (საფრთხის აღმოფხვრა), ხოლო დასაბუთებული ტექნოლოგიური მიზეზების გამო, თუ ვერ ხერხდება კონტროლის იერარქიის სრული დაცვა, იხელმძღვანელოს დადმავალი მიმართულებით უპირატესი საკონტროლო ღონისძიებიდან ბოლო საფეხურამდე.

საკონტროლო ღონისძიებები სამუშაო პოლიტიკის ან პროცედურების ცვლილებებს წარმოადგენს, რათა შემცირდეს საფრთხე. COVID-19-თან დაკავშირებით საკონტროლო ღონისძიებების მაგალითები მოიცავს:

- ✓ მოწოდებას დაავადებული თანამშრომლების მიმართ, რომ სახლში დარჩნენ.
- ✓ თანამშრომლებს, კლიენტებსა და მომხმარებლებს შორის კონტროლის მინიმუმამდე შემცირება დისტანციური მუშაობის შემოღების გზით.
- ✓ ალტერნატიული დღეების ან ცვლებში მუშაობის შემოღებას, რათა შემცირდეს დაწესებულებაში/ობიექტზე ერთდროულად მყოფ თანამშრომელთა საერთო რაოდენობა, რაც მათ საშუალებას მისცემს შეინარჩუნონ დისტანცია ერთმანეთისგან.
- ✓ თანამშრომლებისთვის განახლებული ინფორმაციის მიწოდებას და დატრენინგებას COVID-19-ის რისკების ფაქტორებისა და დამცავი ქცევის შესახებ (მაგ. ხველების ეტიკეტი და პირადი დაცვის აღჭურვილობის მოვლა).
- ✓ თანამშრომლების დატრენინგებას ინდივიდუალური დაცვის საშუალებების სწორად გამოყენებასა და შემდგომში მის შენახვა/მოცილებაზე.
- ✓ ტრენინგის მასალები ადვილად აღსაქმელი უნდა იყოს და ხელმისაწვდომი მსმენელთათვის გასაგებ ენაზე.

თუმცა მიჩნეულია, რომ საინჟინრო და ადმინისტრაციული კონტროლის ღონისძიებები უფრო ეფექტურია COVID-19-ის მიმართ ზეგავლენის მინიმუმამდე შემცირებისათვის, შესაძლოა ასევე საჭირო იყოს ინდივიდუალური დაცვის საშუალებები (**იდს**), გარკვეული ექსპოზიციის პრევენციის მიზნით. მიუხედავად იმისა, რომ **იდს**-ების სწორად გამოყენებას გარკვეული სახის ექსპოზიციის პრევენცია შეუძლია, მან არ უნდა შეცვალოს პრევენციის სხვა სტრატეგიები.

ინდივიდუალური დაცვის საშუალებების მაგალითებია: ხელთათმანები, დამცავი სათვალები, სახის დამცავი ფარები, სახის ნიღბები, და რესპირატორული დამცავი საშუალებები.

ინდივიდუალური დაცვის საშუალებების ყველა ტიპი:

- ✓ შერჩეულ უნდა იქნას თანამშრომლის მიერ შესასრულებელი სამუშაოს შესაბამისად;
- ✓ სათანადოდ უნდა იყოს მორგებული სამუშაოს და დასაქმებულს (მაგ. რესპირატორები);
- ✓ მისი გამოყენება უნდა ხორციელდებოდეს დადგენილი წესის შესაბამისად;



- ✓ რეგულარულად უნდა ხორციელდებოდეს მისი შემოწმება ვარგისიანობაზე, საჭიროების შემთხვევაში უნდა გაეწიოს ტექნიკური მომსახურება და დაზიანების შემთხვევაში უნდა მოხდეს მისი დროული გამოცვლა.

დამსაქმებლები ვალდებული არიან თანამშრომლები უზრუნველყონ იდს-ებით, რომელიც საჭიროა მათი უსაფრთხოებისათვის სამსახურეობრივი მოვალეობების განხორციელებისას.

რესპირატორთან დაკავშირებული საკითხების ტრენინგი უნდა მოიცავდეს შერჩევის, გამოყენების (მათ შორის მისი ტარების, მორგების), სათანადო განთავსების, ან დეზინფექციის, დაზიანებაზე შემოწმების საკითხებს.

COVID -19 ის მიმართ თანამშრომელთა ინფიცირების კლასიფიცირება

COVID-19-ით დასაქმებულთა ინფიცირების რისკები შეიძლება იყოს: ძალიან მაღალი, მაღალი, საშუალო, ან დაბალი. რისკის დონე ნაწილობრივ დამოკიდებულია შესასრულებელი სამუშაოს ტიპზე. სამუშაო ადგილზე რისკების პირამიდა გვიჩვენებს ინფიცირების რისკის ოთხ დონეს.


ძალიან მაღალი რისკი

ინფიცირების ძალიან მაღალი რისკის შემცველი სამუშაო ადგილებია: კონკრეტული სამედიცინო ან ლაბორატორიული პროცედურების განმახორციელებელი დაწესებულებები. ამ კატეგორიას განეკუთვნებიან შემდეგი მუშაკები:

ჯანდაცვის პერსონალი (მაგ. ექიმები, ექთნები, სტომატოლოგები, პირველი სამედიცინო დახმარების გამწვევი პირები, სასწრაფო სამედიცინო დახმარების პერსონალი), ლაბორატორიის პერსონალი, რომელიც აგროვებს ან ამუშავებს ნიმუშებს COVID-19-ით დაავადებული ან ამ დაავადებაზე ექვიმტანილი პაციენტებიდან.

მაღალი რისკი

ინფიცირების მაღალი რისკის შემცველი სამუშაო ადგილები ის ადგილებია, სადაც COVID-19 -ის ცნობილი, ან სავარაუდო წყაროების მიმართ ინფიცირების დიდი პოტენციალი არსებობს. ამ





კატეგორიას განეკუთვნება შემდეგი პერსონალი: ექიმები, ექთნები და სხვა დამხმარე პერსონალი, რომლებსაც უწევთ პაციენტების პალატებში შესვლა.

მორგში მომუშავე პირები, რომლებიც მონაწილეობენ იმ პირთა გვამების მომზადებაში, რომელთაც გარდაცვალებამდე დაუდასტურდათ, ან რომელთა მიმართ არსებობდა ეჭვი, რომ დაავადებული იყვნენ COVID-19-ით.

რეკომენდაციები სამუშაო ადგილების მიმართ, რომლებიც კლასიფიცირებულია ინფიცირების მაღალი რისკის მქონედ

საინჟინრო კონტროლის ღონისძიებები

შესაძლებლობისა და აუცილებლობის შემთხვევაში უზრუნველყავით ჰაერის დამუშავების შესაბამისი სისტემების დამონტაჟება და მათი ტექნიკური მომსახურეობა ჯანდაცვის ობიექტებში.

რეკომენდაციაა, რომ COVID-19-ის დადასტურებულ, ან სავარაუდო შემთხვევისას (ე.ი. პირები, რომელთა გამოკვლევა გრძელდება) პაციენტები მოთავსდნენ სამედიცინო დაწესებულების საიზოლაციო პალატებში (ბოქსი, ნახევრად-ბოქსი, ბოქსირებული პალატა), ასეთის არსებობის შემთხვევაში.

ის პროცედურები, რომლებსაც თან ახლავს აეროზოლების წარმოქმნა, განახორციელეთ საიზოლაციო პალატებში (მაგ., რენიშის ბოქსირებული პალატა, ან საიზოლაციო სათავსი).

COVID-19-ის დადასტურებულ, ან სავარაუდო პაციენტებიდან, ან ამ აღებული ნიმუშების დამუშავებისას დაიცავით ბიუსაფრთხოების დადგენილი უსაფრთხოების ზომები.

ადმინისტრაციული კონტროლის ღონისძიებები

სამედიცინო დაწესებულებაში მუშაობის შემთხვევაში იხელმძღვანელებთ დაწესებულების პრაქტიკის შესახებ არსებული გაიდლაინებით და სტანდარტებით დაინფიცირებული პირების გამოვლენისა და იზოლირების და თანამშრომელთა დაცვის მიზნით.

შეიმუშავეთ და განახორციელეთ პოლიტიკა, რომელიც ხელს შეუწყობს ექსპოზიციის შემცირებას, მაგალითად COVID-19-ით დაავადებული პაციენტების დაჯგუფება, როდესაც ერთკაციანი პალატები არ არის ხელმისაწვდომი.

თანამშრომლებს მიაწოდეთ მათ სამუშაოსთან დაკავშირებული ინფორმაცია და ჩაუტარეთ ტრენინგი COVID-19-ის გავრცელების პრევენციის შესახებ, მათ შორის ჩაუტარეთ საწყისი და განმეორებითი ტრენინგი, რათა დარწმუნდეთ, რომ თანამშრომლებს აქვთ შესაბამისი ცოდნა და უნარები..



უზრუნველყავით ფსიქოლოგიური მხარდაჭერის ხელმისაწვდომობა თანამშრომლების სტრესის შესამცირებლად.

უსაფრთხო სამუშაო პრაქტიკა

შემუშავებული უნდა იყოს საგანგებო სიტუაციებისას სამოქმედო გეგმა.

ინდივიდუალური დაცვის საშუალებები

თანამშრომელთა უმეტესობამ, რომლებიც ინფიცირების მაღალი ან ძალიან მაღალი რისკის წინაშე დგანან, შესასრულებელი სამუშაოდან გამომდინარე უნდა ატარონ ხელთათმანები, ხალათი, სახის დამცავი ფარი, დამცავი სათვალეები და რესპირატორი.

მათ, ვინც უშუალო კონტაქტში არიან COVID-19 დაავადების დადასტურებულ ან სავარაუდო პაციენტებთან და ახორციელებენ აეროზოლების მაგენერირებელ პროცედურას, უნდა გამოიყენონ რესპირატორები.

ინდივიდუალური დაცვის საშუალებების კომპლექტი შესაძლოა განსხვავდებოდეს, განსაკუთრებით ლაბორატორიებში, ან მორგში/დამკრძალავ სახლებში მომუშავე თანამშრომლებისათვის, რომელთაც შესაძლოა დამატებითი დაცვის საშუალებები დასჭირდეთ სისხლის, სხეულის სითხეების, ქიმიური ნივთიერებების, და სხვა მასალების ექსპოზიციისაგან თავის დასაცავად. პირადი დაცვის დამატებითი აღჭურვილობა შეიძლება მოიცავდეს სამედიცინო/ქირურგიულ ხალათებს, სითხეგაუმტარ კომბინიზონებს, წინსაფრებს, ან სხვა ერთჯერად, ან მრავალჯერადი გამოყენების დამცავ ტანსაცმელს.

შენიშვნა: ის თანამშრომლები, რომლებიც ინდივიდუალური დაცვის აღჭურვილობას და სხვა ინფექციური ნარჩენების მართვას უზრუნველყოფენ, ასევე უნდა გადამზადდნენ და უზრუნველყოფილ იყვნენ ინდივიდუალური დაცვის აღჭურვილობით.

ინფიცირების საშუალო რისკი

ინფიცირების საშუალო რისკის სამუშაო ადგილები მოიცავს ისეთ სამუშაო ადგილებს, სადაც თანამშრომლებს მოეთხოვებათ ხშირი ან/და მჭიდრო კონტაქტის ქონა (1 მეტრზე ნაკლები) იმ ადამიანებთან, რომლებიც არ წარმოადგენენ COVID-19 -ით დაინფიცირებულ ან დაინფიცირებაზე საექვეო პაციენტებს. ასეთი ადგილები შეიძლება იყოს სკოლები, მრავალრიცხოვანი-მჭიდრო სამუშაო ადგილები, ასევე ზოგიერთი საცალო ვაჭრობის ცენტრები სხვა ობიექტები, სადაც ადამიანთა თავშეყრის ადგილებია.

რეკომენდაციები იმ სამუშაო ადგილების მიმართ, რომლებიც კლასიფიცირებულია ინფიცირების საშუალო რისკის მქონედ



საინჟინრო კონტროლის ღონისძიებები

დაამონტაჟეთ ფიზიკური ბარიერები, როგორცაა დაცემინებისაგან დამცავი გამჭვირვალე პლასტმასის შირმები, სადაც ეს შესაძლებელია.

ადმინისტრაციული კონტროლის ღონისძიებები

გაითვალისწინეთ სახის ნიღბების შეთავაზების საკითხი ყველა დაავადებული თანამშრომლისათვის და მომხმარებლისათვის, რათა შეაკავოთ რესპირაციული სეკრეციები იმ დრომდე, სანამ ისინი შეძლებენ სამუშაო ადგილის დატოვებას. ნიღბების დეფიციტის შემთხვევაში, მრავალჯერადი გამოყენების სახის დამცავი ფარის გამოყენება, რომლის გაუსწებოვნებაც შესაძლოა მისაღები საშუალება იყოს წვეთოვანი გზით ვირუსის გავრცელებისაგან თავის დასაცავად.

- COVID-19-ის შესახებ გამოაკარით განცხადებები იმ მომსახურების სექტორებში, სადაც შესაძლოა ავადმყოფი მომხმარებლები მივიდნენ (მაგ. აფთიაქები, მაღაზიები და ა.შ).
- პერიოდულად, დღეში რამდენჯერმე უზრუნველყავით დახურული სივრცეების/ სათავსების ბუნებრივი ვენტილაცია და სამუშაო ადგილების სველი წესით დასუფთავება და დეზინფექცია.
- შენობის შესასვლელებში განათავსეთ დეზობარიერები, შესაბამისი სავალდებულო ნიშნის მითითებით.
- თვალსაჩინო ადგილას განათავსეთ ხელის ჰიგიენის საშუალებები და მათი სწორად მოხმარების წესები.
- გამოყენებული ჰიგიენური საშუალებები განათავსეთ დახურულ კონტეინერებში და უზრუნველყავით მათი დროული გატანა შენობიდან მუნიციპალურ ნარჩენებთან ერთად შესაბამისი პირის/სამსახურის მიერ.
- შესაბამის შემთხვევაში, შეზღუდეთ მომხმარებლების და ფართო საზოგადოების დაშვება სამუშაო ადგილზე, ან ისინი მხოლოდ განსაზღვრულ სამუშაო არეალში დაუშვით.
- განიხილეთ პირადი კონტაქტის მინიმუმამდე შემცირების ღონისძიებები (მაგ. მანქანიდან გადმოუსვლელად მომსახურების მიღების ადგილების მოწყობა, ტელეფონით კომუნიკაცია, ან დისტანციური მუშაობის შემოღება თანამშრომლებისთვის).
- ვიზიტორთა შორის დისტანციის დასაცავად გამოიყენეთ სავალდებულო პირობითი ნიშნები (იატაკზე შესაბამისი სტიკერების/ნახაზების სახით).



ინდივიდუალური დაცვის საშუალებები

ინდივიდუალური დაცვის საშუალებების შერჩევისას გაითვალისწინეთ ისეთი საკითხები, როგორიცაა, მათი ფუნქცია, მორგებადობა, გაუსნეხოვნების შესაძლებლობა, საბოლოო განთავსება და ფასი. ზოგჯერ, როდესაც პირადი დაცვის აღჭურვილობა განმეორებით უნდა იქნეს გამოყენებული ხანგრძლივი პერიოდის განმავლობაში, უფრო ძვირადღირებული და გამძლე აღჭურვილობა შესაძლოა ნაკლებად ძვირადღირებული იყოს საბოლოოდ, ვიდრე ერთჯერადი პირადი დაცვის აღჭურვილობის შეძენა. თითოეულმა დამსაქმებელმა უნდა შეარჩიოს პირადი დაცვის აღჭურვილობის ისეთი კომბინაცია, რომელიც თანამშრომლებს დაიცავს კონკრეტულად მისი სამუშაო ადგილის გათვალისწინებით.

ინფიცირების საშუალო რისკის მქონე თანამშრომლებს, რისკის შეფასების შედეგების შესაბამისად, შესაძლოა დასჭირდეთ ხელთათმანების, კომბინიზონის, სახის ნილბის ან/და სახის დამცავი ფარის, ან დამცავი სათვალეების კომბინაციის გამოყენება.

ინფიცირების დაბალი რისკი

ინფიცირების დაბალი რისკის სამუშაო ადგილები ისეთი ადგილებია, სადაც მომუშავეებს არ მოეთხოვებათ COVID- 19-ით დაინფიცირებულ, ან ამ ვირუსით დაინფიცირებაზე საექსპო პირებთან კონტაქტი, და არც ხშირი და ახლო კონტაქტი მოეთხოვებათ ფართო საზოგადოებასთან. ამ კატეგორიას მიკუთვნებულ მომუშავეებს მინიმალური კონტაქტი აქვთ სამუშაო ადგილზე ფართო საზოგადოებასთან ან სხვა თანამშრომლებთან.

რეკომენდაციები იმ სამუშაო ადგილების მიმართ, რომლებიც კლასიფიცირებულია ინფიცირების დაბალი რისკის მქონედ:

საინჟინრო კონტროლის ღონისძიებები

დაბალი ინფიცირების რისკის მქონე თანამშრომლების შემთხვევაში რეკომენდირებული არ არის დამატებითი საინჟინრო კონტროლის ღონისძიებების გატარება. დამსაქმებელმა უნდა უზრუნველყონ, რომ საინჟინრო კონტროლის ღონისძიებების არსებული საშუალებების ფუნქციონირება გაგრძელდეს კვლავ დანიშნულებისამებრ.



ადმინისტრაციული კონტროლის ღონისძიებები

განახორციელეთ COVID-19-ის შესახებ რეკომენდაციებთან დაკავშირებით საზოგადოებრივი ჯანდაცვის განცხადებების/ინფორმაციის მონიტორინგი და უზრუნველყავით ამ ინფორმაციაზე თანამშრომლების ხელმისაწვდომობა. სამუშაო ადგილებზე უზრუნველყავით ხელის დასაბანი საშუალებების ხელმისაწვდომობა ან სულ მცირე 60% ალკოჰოლის შემცველი ხელის გამწმენდი სითხის არსებობა.

ინდივიდუალური დაცვის საშუალებები

არ არის რეკომენდირებული დამატებითი პირადი დაცვის აღჭურვილობის გამოყენება დაბალი რისკის მქონე ჯგუფს მიკუთვნებული თანამშრომლების მიერ.